

孝經注疏

一
函
二
冊
函

孝經注疏卷第三

卷第三

庶人章第六

邢昺注疏

疏

正義曰庶者衆也謂天下衆人也皇侃云不喜衆民者兼包府史之屬通謂之庶人也嚴植之以爲夫有負位

人無服極故十以下皆爲庶人

用天之道

春生夏長秋斂冬藏舉事順時此用天道也

分地之利

分別五土

視其高下各盡所宜此分地利也

謹身節用以養父母

身恭謹則遠恥辱用節省

則免飢寒公賦既充則私養不闕

此庶人之孝也

庶人爲孝唯此而已

疏

至孝用天

也。正義曰夫子上述士之行孝已畢次明庶人之行孝也言庶人服田力穡當須用天之四時生成之道也分地五土

所宜之利謹慎其身節省其用以供養其父母此則庶人之

孝也援神契云庶人行孝曰畜以畜養爲義言能射耕力農

以畜其德而養其親也。注春生至道也。正義曰云春生

夏長秋斂冬藏者此依鄭注也爾雅釋天云春爲發生夏爲

長毓秋爲收成冬爲安寧安寧卽閉藏之義也云舉事順時
此用天之道也者謂舉農畝之事順四時之氣春生則耕種
夏長則耘苗秋收則穫刈冬藏則入廩也。注分別至利也
正義曰云分別五土視其高下者此依鄭注也案周禮大司
徒云五土一曰山林二曰川澤三曰丘陵四曰墳衍五曰原
隰謂庶人須能分別視此五土之高下隨所宜而播種之則
職方氏所謂青州其穀宜稻麥雍州其穀宜黍稷之類是也
云各因其所宜此分地利也者此依孔傳也劉炫云黍稷生
於陸茨稻生於水。注身亦至不闕正義曰云身恭謹則遠
恥辱者論語曰恭近於禮遠恥辱也云用節省則免飢寒者
用謂庶人衣服飲食喪祭之用當須節省禮記曰食節事時
又曰庶人無故不食珍及三年之耕必有一年之食九年耕
必有三年之食以三十年之通雖有凶旱水溢民無菜色是
免飢寒也云公賦既充則私養不闕者賦者自上稅下之名
也謂常省節財用公家賦稅充足而私養父母不闕乏也孟
子稱周人百畝而徹其實皆什一也劉熙注云家耕百畝徹
取十畝以爲賦也又云公事畢然後敢治私事是也。注庶
人至而已。正義曰此依魏注也案天子諸侯卿大夫士皆
言蓋而庶人獨言此注釋言此之意也謂天子至士孝行廣
大其章略述宏綱所以言蓋也庶人用天分地謹身節用其

孝行已盡故曰此言惟此而已庶人不引詩者義盡於此無贊諸也故自天子至於庶

人孝無終始而患不及者未之有也始自天子終於庶人

尊卑雖殊孝道同致而患不能及疏故自至有也正義曰夫子述天子諸侯

卿大夫士庶人行孝畢於此總結之則有五等尊卑雖殊至於奉親其道不別故從天子已下至於庶人其孝道則無終

始貴賤之異也或有自患已身不能及於孝未之有也自古及今未有此理蓋是勉人行孝之辭也注始自至未有

正義曰云始自天子終於庶人者謂五章以天子為始庶人為終也云尊卑雖殊孝道同致者謂天子庶人尊卑雖別至於行孝其道不殊天子須愛親敬親諸侯須不驕不溢卿大

夫於言行無擇士須資親事君庶人謹身節用各因心而行之斯至豈藉利物之智扛鼎之力若率強之無不及也云而

患不能及者未之有也者此謂人無貴賤尊卑行孝之道同致若各率其已分則皆能養親言患不及於孝者未有也說

孝道包含之義廣大塞乎天地橫乎四海經言孝無終始謂

難備終始但不致毀傷立身行道安其親忠於君一事可稱則行成名立不必終始皆備也此言行孝甚易無不及之理

故非孝道不終始致必反之患也云言無此理故曰未有者
此釋未之有之意也謝萬以爲無終始恒患不及未之有者
少賤之辭也劉瓛云禮不下庶人若言我賤而患行孝不及
已者未之有也此但得憂不及之理而失於歎少賤之義也
鄭曰諸家皆以爲患及身今注以爲自患不及將有說乎荅
曰案說文云患憂也廣雅曰患惡也又若案注說釋不及之
義凡有四焉大意皆謂有患貴賤行孝無及之憂非以患爲
禍也經傳之稱患者多矣論語不患人之不已知又曰不患
無位又曰不患寡而患不均左傳曰宣子患之皆是憂惡之
辭也惟蒼頡篇謂患爲禍孔鄭韋王之學引之以釋此經故
皇侃曰無始有終謂改悟之善惡禍何必及之則無始之言
已成空設也禮祭義曾子說孝曰衆之本教曰孝其行曰養
養可能也敬爲難敬可能也安爲難安可能也卒爲難父母
既沒慎行其身不遺父母惡名可謂能終矣夫以曾參行孝
親承聖人之意至於能終孝道尚以爲難則寡能無識固非
所企也今爲行孝不終禍患必及此人偏執詎謂經通鄭曰
書云天道福善禍淫又曰惠迪吉從逆凶惟影響斯則必有
灾禍何得稱無也荅曰來問指淫凶悖隱之倫經言戒不終
善美之輩論語曰今之孝者是謂能養曾子曰參直養者也
安能爲孝乎又此章云以養父母此庶人之孝也僅有能養

而不能終只可未為具美無宜即同淫慝也古今凡庸詎識
孝道但使能養安知始終若今皆及於災便是比屋可貽禍
矣而當朝通識者以為鄭注非誤故謝萬云言為人無終始
者謂孝行有終始也患不及者謂用心憂不足也能行如此
之善曾子所以稱難故鄭注云善未有也諦詳此義病謂不
然何者孔聖垂文包於上下盡力隨分寧限高卑則因心而
行無不及也如依謝萬之說此則常情所昧矣子夏曰有始
有卒者其惟聖人乎若施化惟待聖人卡載方期一遇加於
百姓刑於四海乃為虛說者與制有曰既乎孝之為大若天
之不可逃也地之不可遠也歟第五孝之說人無貴賤行無
終始未有不由此道而能立其身者然則聖人之
德豈云遠乎我欲之而斯至則患不及於己者哉

三才章第七

疏

正義曰天地謂之二儀兼人謂之三才曾子見夫子陳

說五等之孝既畢乃發歎曰甚哉孝之大也夫子因其
歎美乃為說天經地義人行之事可
教化於人故以名章次五孝之後

曾子曰甚哉孝之大也

參聞行孝無限高卑
始知孝之為大也

子曰

夫孝天之經也地之義也民之行也

經常也利物為義孝

為百行之首人之常德若三辰運

天而有常五土分地而為義也

天地之經而民是

則之

天有常明地有常利言人法則天地亦以孝為常行也

則天之明因地之

利以順天下是以其教不肅而成其政不嚴

而治

法天明以為常因地利以行義順此以施政教則不待嚴肅而成理也

疏

曾子曰至而治○正

義曰夫子述上從天子下至庶人五等之孝後摠以結之語勢將畢欲以更明孝道之大無以發端特假曾子歎孝之大更以彌大之義告之也曰夫孝天之經地之義民之行經常也人生天地之間稟天地之氣節人之所法是天地之常義也聖人司牧黔庶故須則天之常明因依地之義利以順行於天下是以其為教也不待肅戒而成也其為政也不假威嚴而自理也○注參聞至大也○正義曰高謂天子卑謂庶人言曾參既聞夫子陳說天子庶人皆當行孝始知孝之為大也○注經常至義也○正義曰云經常也利物為義者經常即書傳通訓也易文言曰利物足以和義是利物為義也

云孝爲百行之首人之常德者鄭注論語云孝爲百行之本
言人之爲行莫先於孝案周易曰常其德貞孝是人所常德
也云若三辰運天謂日月星以時運轉於天釋名云土者吐
也言吐生萬物周禮五土十地之利言孝爲百行之首是人
生有常之德若日月星辰運行於天而有常山川原隰分別
土地而爲利則知貴賤雖別必資孝以立身皆貴法則於天
地然此經全與左傳鄭子大叔荅趙簡子問禮同其異一兩
字而已明孝之與禮其義同○注天有至行也○正義曰云
天有常明者謂日月星辰明臨於下紀於四時人事則之以
夙興夜寐無忝爾所生故下文云則天之明也云地有常利
者謂山川原隰動植物產人事因之以晨羞夕膳也色養無
違故下文云因地之利也此皆人能法則天地以爲孝行者
故云亦以孝爲常行也上云天之經地之義此云天地之經
而不言義者爲地有利物之義亦是天常也若分而言之則
爲義合而言之則爲常也○注法天至理也○正義曰云法
天明以爲常因地利以行義者上文云夫孝天之經地之義
者故云法天明以爲常釋天之明也因地利以爲義釋地之
利也云順此以施政教則不待嚴肅而成理也者經云其教
不肅而成其政不嚴而治注則以政教相就而明之嚴肅相
連而釋之從便宜省也制旨曰天無立極之統無以常其明

地無立極之統無以常其三歲十一字

利人

無立身之本無以常其德然則三辰迭運而一以經之者天
利之性也五土分植而一以宜之者大順之理也百行殊塗
而一致之者大中之要也夫愛始於和而敬生於順是以因
和以教愛則易知而有親因順以教敬則易從而有功愛敬
之化行而禮樂之政備矣聖人則天之明以為經因地之利
以行義故能不待嚴肅而成可久可大之業焉先王見教之可以化民也
見因天地教是故先之以博愛而民莫遺其親
化人之易也
君愛其親則人化
之無有遺其親者
所慕則人起
心而行之
陳之於德義而民興行
陳說德義之美為眾
君行敬讓則
人化而不爭

導之以禮樂而民和睦禮以檢其跡樂以正其心則和睦矣示之

以好惡而民知禁示好以引之示惡以止之疏先

至知禁。正義曰言先王見因天地之常不肅不嚴之政教
可以率先化下人也故須身行博愛之道以率先之則人漸

其風教無有遺其親者於是陳說德義之美以順教誨人則
人起心而行之也先王又以身行敬讓之道以率先之則人
漸其德而不爭競也又導之以禮樂之教正其心迹則人被
其教自和睦也又示之以好者必愛之惡者必討之則人見
之而知國有禁也○注見因至易也○正義曰此依鄭注也
言先王見天明地利有益於人因之以施化行之甚易也○
注君愛至親者○正義曰此依王注也言君行博愛之道則
人化之皆能行愛敬無有遺忘其親者即天子草之愛敬盡
於事親而德教加於百姓是也○注陳說至行之○正義曰
易稱君子進德脩業又論語云義以為質又左傳說趙衰薦
卻縠云說禮樂而敦詩書義之府也禮樂德之則也德
義利之本也且德義之利是為政之本也言大臣陳說德義
之美是天子所重為羣情所慕則人起發心志而效行之○
注君行至不爭○正義曰此依魏注也案禮記鄉飲酒義云
先禮而後財則民作敬讓而不爭矣言君身先行敬讓則天
下之人自息貪競也○注禮以至睦矣○正義曰此依魏注
也案禮記云樂由中出禮自外作中謂心在其中也外謂跡
見於外也由心以出者宜聽樂以正之自跡以見者當用禮
以檢之檢之謂檢束也言心跡不違於禮樂則人當自和
睦也○注示好至犯也○正義曰云示好以引之示惡以止

之者案樂記云先王之制禮樂也將以教民平好惡而反人道之正也故示有好必賞之令以引喻之使其慕而歸善也示有惡必罰之禁以懲止之使其懼而不為也云則人知有禁令不敢犯也者謂人知好惡而不犯禁令也

詩

云赫赫師尹民具爾瞻

赫赫明盛貌也尹氏為太師周之三公也義取大臣助君

行化人皆瞻之也

疏

詩云至爾瞻。正義曰夫子既述先王以身率下先及大臣助君行化之義畢乃引小雅

節南山詩以證成之赫赫明盛之貌也是太師尹氏也言助君行化為人模範故人皆瞻之。注赫赫至之也。正義曰

赫赫明盛貌也尹氏為太師周之三公也者此毛傳文太師太師太保是周之三公尹氏時為太師故曰尹氏也云義取

大臣助君行化人皆瞻之也者引詩大意如此孔安國曰具皆也爾女也占語或謂人具爾瞻則人皆瞻女也此章再言

先之是吾身行率先於物也陳之道之示之是太師助君為政也案大戴禮云昔者舜左禹而右皋陶不下席而天下大

治夫政之不中君之過也政之既中令之不行職事者之罪也後引周禮稱三公無官屬與王同職坐而論道又案尚書

益稷篇稱帝曰吁臣哉鄰哉鄰哉臣哉又曰臣作朕股肱耳目孔傳曰言君臣道近相須而成言大體若身君任股肱臣

戴元首之義也故禮緇衣稱上好是物下必有甚者矣故上
之好惡不可不慎也是民之表也詩云赫赫尹民具爾瞻
甫刑曰一人有慶兆民賴之緇衣之引詩書是明下民從上
之義師尹大臣也一人天子也謂人君爲政有身行之者有
大臣助行之者人之從上非惟從君亦從論道之大臣故并
引以結之也此章上言先王下引師尹則知君臣同體相須
而成者謂此也皇侃以爲無先王在上
之詩故斷章引大師之什今不取也

孝經注疏卷第三

虛齋藏
圖書

中庸章句
卷第三

掌福建道監察御史武寧盧浙栞

孝經注疏卷三按勘記

阮元撰盧宣旬摘錄

孝經注疏卷第三

庶人章第六

案即府吏之屬

也 闕本監本毛本案即作兼包吏作吏是

爵列之以爲士有員位

也 闕本監本毛本爵列作嚴植是

人謂衆民

闕本監本毛本作人無限極

故士以下以爲庶人

闕本監本毛本下以字作皆是也

秋斂冬藏

石臺本作秋收鄭注本同案正義云此依鄭注也則當作秋收岳本改爲秋斂非此作斂斂斂

乃正俗字

四事順時

石臺本岳本闕本監本毛本四作舉是也此本正義亦誤作四

源際之宜

石臺本岳本閩本監本毛本作各盡所宜是也

用節省則兄飢寒

石臺本岳本閩本監本毛本兄作免不誤閩監毛本飢作饑案當作飢

公賦時充

石臺本岳本閩本監本毛本時作既不誤岳本充改足監本誤充

則篤養不闕矣

石臺本岳本閩本監本毛本篤作私矣是衍文

庶人之孝

石臺本岳本閩本監本毛本之作爲是也

止此而已

石臺本岳本閩本監本毛本止作唯案正義正作唯

用人至孝也

閩本監本毛本人作天不誤

言庶人服固力釋

閩本毛本釋作穉是也

謹身其道

閩本毛本身作慎閩監毛本道作身是也

節省用而以供養其父母

閩本監本毛本省下有其字無而字

以畜養爲事

閩本監本毛本事作義

秋斂冬藏孝

閩本監本毛本孝作者是案鄭注本作秋收此作秋斂非也

此四事順時天道也

天云閩本監本毛本四事順時天道也作依鄭注也爾雅釋不

譏

夏爲長統

閩本監本毛本統作統案爾雅作羸釋文云本亦作羸

秋爲收斂

案爾雅斂作成

冬爲肅殺

閩本監本毛本肅殺作安寧是也

安養閉藏地之義也

閩本監本毛本養作寧即無地字是也

云四事順時

閩本監本毛本四作舉案當作舉

謂服百畝之事

閩本監本毛本服百作舉農是也

春三則爲種

閩本監本毛本三作生爲作耕不誤

夏長則耘苗

閩本監本毛本耘作芸案說文賴字注云除苗開穢也或从芸作耨今字省艸作耘

閩本以下作芸非也

秋收則獲刈

閩本獲作穫是也刈字閩監毛本改割

冬藏則入橐也

閩本監本毛本橐作廩

此依魏注也

閩本監本毛本魏作鄭案分別五上視其高下見太平御覽卷三十六初學記卷五

唐司馬貞議及釋文所引皆云鄭注此本作魏注非是

其種宜稻梁

閩本監本毛本種作穀梁閩本毛本作梁案作梁亦非周禮作麥

此分地之利者也

閩本監本毛本作也者此本誤倒今改正

此依本傳也

閩本監本毛本作孔不誤